

夏小正箋 夏小正考注

夏小正戴氏傳附校錄 夏小正傳



夏
小
正
箋

戴德傳
李調元注

中華書局

叢書集成初編

夏小正箋（及其他三種）

中華書局出版發行

（北京王府井大街三十六號）

秦皇島市資料印刷廠印刷

一九八五年北京新一版

開本：七八七乘一〇九二毫米三十二分之一

統一書號：一七〇一八·一五一

夏小正箋

此據函海本排印
初編各叢書僅有
此本

夏小正箋序

夏小正者。所謂夏之時也。而曰小正。何也。言政令之小者也。本大戴禮之一篇。隋書經籍志。始於大戴禮外。別出夏小正一卷。註云戴德撰。宋傳崧卿序。謂隋重賞以求逸書。進書者多離拆篇目以邀賞。故別出於理。或然。考吳陸璣草木鳥獸蟲魚疏。引大戴禮夏小正傳。言大戴禮舊本。但有夏小正之文。而無其傳。戴德爲之作傳。遂自爲一卷。後盧辨作註。始採其傳入經文下。隋所謂戴德撰者。乃傳也。當誤傳作撰。其以傳別於經者。寔自崧卿始。其爲一卷。亦猶之小爾雅乃孔叢子之一篇。因李軌之註。遂別爲一卷也。夏小正或云子夏作。雖未必然。然文句簡奧。寔三代之書。自傳崧卿撰戴氏傳四卷外。近又有徐世傳之解。黃叔琳之註。諸錦之詁。雖博稽廣註。苦多穿鑿。未愜於心。且多舛訛脫漏。如經傳有合爲一行者。有經大書而傳小書者。亦無定本。因得永樂副本。經文抬頭。而傳空一字。俱大書。此可遵也。因去其繁蕪。約爲之箋。以通其義。夫古人之書。殘篇斷簡。詰曲聲牙。其不盡可箋也明矣。若必一一而強爲之注。不至於鑿不止。此聖人之所以甚重乎史闕文也。予之所以爲箋也。正所以正諸家之鑿也。彼夫徐氏之以爽死爲爽鳩。以五日爲夏五。黃氏之以丹白鳥之爲螢火。納卵蒜以爲兩物。諸氏之以短震斷兩句。孚粥之斷爲祝鷄。通則通矣。其如鑿何。故曰。予之所以爲箋也。所以正諸家之鑿也。西蜀李調元童山撰。

夏小正箋卷一

漢戴德傳 蜀童山李調元註

正月。

正月孟春之月也。月令日在營室昏參中旦尾中營室在亥。嫫訾之次也。

啓蟄言始發蟄也。

蟄藏也。靜也。言藏伏靜處也。啓發也。月令孟春蟄蟲始振始者一歲之始也。蟄讀作執。見郭象註莊。

鴈北鄉。先言鴈而後言鄉者何也。見鴈而後數其鄉也。鄉者何也。鄉其居也。鴈以北方爲居。何以謂之生且長焉耳。九月遷鴻鴈。先言遷而後言鴻鴈何也。見遷而後數之。則鴻鴈也。何不謂南鄉也。曰非其居也。故不謂南鄉。鴻鴈之遷也。而一作不記其鄉何也。曰鴻不必當小正之遷者也。

月令季冬鴈北鄉。此于孟春何也。冬去而春來時也大曰鴻小曰鴈。月令孟春之月鴻鴈來鴈夜宿鴻內鴈外更相驚避。又名陽鳥書禹貢陽鳥攸居所謂居也。生且長言生于斯長于斯也。遷去也。北來則曰鄉南去則曰遷。不記其鄉謂經文九月遷鴻鴈無鄉之文以文相比而得其義也。鄉向同遷特計反長數並上聲。

雉震响。响也者鳴也。震也者鼓其翼也。一本作震也者鳴也。响也者鼓其翼也。正月必雷雷不必聞惟雉爲必聞何以謂之。

雷則雉震响相識以雷。按正月必雷下。一本多雷則雉震响五字。

雉一名翬野鷄也。易震爲雷。月令仲春雷乃發聲。今于孟春者言雷未發而雉先震响也。陰陽相薄以生萬物其聲甚者爲震。震戰也。言所擊破如戰也。响與雉同。雉鳴也。雷始動雉鳴而雉其頸从句者句亦聲也。又見月令識知也。

魚陟負冰。陟升也。負冰云者言解蟄也。

月令魚上冰。負背也。言背冰而上也。陟言升登也。陟音植。

農緯厥耒。緯束也。束其耒云爾。用是見君之亦有耒也。

月令孟春天子親載耒耜束之爲言親載也。君亦有耒。卽耕耨之耒也。緯羽鬼切。

初歲祭耒始用暢一作暢也。其曰初歲云者暢也。暢也者終歲之用祭也。言是月之始用之也。初者始也。一本始用暢作經文。今從永樂大典本。

或曰祭韭也。此句疑在下文固有見韭下錯簡。

祭耒者將有事于田疇故祭之也。暢與暢同。長也。言通暢也。田不生者用力以治之也。或曰祭韭謂祭用韭也。暢丑亮切。

固有見韭。圃也者園之燕者也。

韭種而能久之菜也。其美在黃春始見也。內則春用韭。有藩曰園。有墻曰圃。燕言居息之處也。

時有俊風。俊者大也。大風南風也。何大於南風也。曰合冰必於南風。解凍必於南風。生必於南風。收必於南風。故大之也。

合冰冰凍也。解冰冰解也。月令東風解凍是也。其東南風謂之俊風者。卽尙書大傳時有俊風是也。南風止則冰合。故曰生。南風起則冰解。故曰收。大之喜之詞。非南風始名大也。

寒日滌凍塗。滌也者變也。變而煖也。凍塗也者凍下而澤上多也。澤釋古通用。

滌言煖風也。塗泥也。傳言澤上多。卽詩其耕釋釋之釋。言凍在下而釋於上者爲多也。

田鼠出。田鼠者噉鼠也。記時也。

田鼠生于田間。害稼之鼠也。寓鼠曰噉。噉之云者。類裏貯食處也。噉戶監反。

農率均田。率者循也。均田者始除田也。言農夫急除田也。

均平也。言相率平田也。

獺獻魚。獺祭魚其必與之獻何也。曰非其類也。祭也者得多也。善其祭而後食之。十月豺祭獸謂之祭。

獺祭魚謂之獻何也。豺祭其類。獺祭非其類。故謂之獻。大之也。

獺如小狗。水居食魚。魚鱗屬獺。獸屬故云非其類。獻享也。善亦多也。

鷹則爲鳩。鷹也者其殺之時也。鳩也者非其殺之時也。善變而之仁也。故其言之也曰則。盡其辭也。鳩爲鷹變而之不仁也。故不盡其辭也。

鷹鷩鳥以膺擊故曰鷹王制鳩化爲鷹秋時也故言殺之時月令鷹化爲鳩在二月此正月時也故言非其殺之時生育氣盛鷹感之而化不曰化而曰爲者反歸舊形也春乃生氣之始所謂毋用牝毋覆巢毋殺孩蟲胎夭飛鳥時也故曰仁傳謂小正凡言則者皆盡其辭也

農及雪澤

古通釋

言雪澤之無高下也

管子所謂正月令農始作服于公田農耕及雪釋是也言雪皆釋而高下皆可耕也

初服于公田古有公田焉者古者先服公田而後服其田也

傳言私田所謂雨我公田遂及我私也

采芸爲廟采也

芸草似目宿一名芸蒿似邪蒿而香可供宗廟故采之也其香又可去蚤蠹辟書蠹

鞠則見鞠者何也星名也鞠則見者歲再見云爾鞠當作味爾雅味謂之柳詩召南鄭康成箋囑在東

方正月時也囑與味同

初昏參中蓋記時也

昏日冥也凡日入三刻爲昏不盡三刻爲明一云日入後二刻半爲昏又云日入虞淵爲黃昏日入蒙

谷爲定昏昏時參星在南方之中

斗柄縣在下言斗柄者所以著參之中也

斗柄。北斗杓也。第一至四爲魁。第五至七爲杓。合爲斗。初昏時。斗柄指參。故云參之中。

柳稊。稊也者發孚也。孚李

柳小楊也。一物二種。楊枝硬而揚起。故謂之楊。柳枝弱而垂流。故謂之柳。稊亦作夷。木之更生者。孚甲也。孟春其日甲乙。萬物皆解孚。自抽軋而出。先于柳見之。故曰發孚。

梅杏地桃則華。地桃。山桃也。

月令仲春桃始華。此于孟春節氣有早晚故也。地一作施。爾雅。施椶樹。似白楊。而古今字書有地而無施。亦無有訓。山桃者。白櫻也。詩。析薪地矣。是也。山桃。爾雅。旄冬桃。橈。山桃是也。自是二種。訓地桃爲山桃者。意卽橈山桃也。橈同地。音移。橈音思。

緹縞。縞也者。莎隨也。緹也者。其實也。先言緹而後言縞何也。緹先見者也。何以謂之小正。以著名也。此按二句。後禮經傳通解。置篇首夏小正之下。另爲一行。但爾雅疏亦連引此文。蓋何以謂之句應斷。言小正書法以緹著而先見。故名緹縞也。

縞與藹通。藹候也。一名候莎。俗名香附子。卽博雅所謂毛莎藹也。故曰莎隨。隨與藹通。緹。糞種土色也。其色源。周禮地官草人。糞種赤緹是也。或云緹草名。未詳。

鷄桴粥。粥也者。相粥之時也。或曰。桴。姬伏也。粥。養也。按桴與李通。相粥之時也。舊本作相粥。粥。呼也。粥與祝別通。

傳言桴爲姬伏者。謂煦妯覆育也。鷄育雛必姬而伏。以母其子也。粥粥。鷄聲。亦作粥粥。姬伏則卵發孳也。伏扶幼反。

以上正月較月令少以立春天氣下降地氣上騰天地和同草木萌動。
二月。

仲春之月也。月令日在奎昏弧中旦建星中奎宿在戌降婁之次也。

往耒耜禋禋單也。

耒耜種也。耒屬而粘者以大暑而種故謂之耒。禋言單者單盡也。言往耒耜種耒之田而盡其力也。或云往耒耜之時始服單袷未詳。

初俊羔助厥母粥。俊也者大也。粥也者養也。言大羔能食草木而不食於母也。羊蓋非其子而後養之。善養而記之也。或曰夏有暑而祭祭者用羔是時不足喜樂善羔之爲生也而記之。與〔按〕舊本牛羊腹時也。暑一作羔。牛一作羔。

羊子謂之羔。俊言羔始大也。木木萌也。言羔食其母稍長大而後食草木以助之也。子猶字也。非其字。言不爲母所字而後繼以養之故善之也。不足喜樂言羔甫生尙小不足以祭不足喜也。與之爲言猶也。言牛羊皆能自育其子也。月令仲春天子乃鮮羔開冰謂獻羔以祭司寒之神疑卽暑祭也。

綏多女士。綏安也。冠子取婦之時也。按禮疏引傳作冠子取妻時也。

綏卽月令養幼少存諸孤也。存亦安也。冠去聲。

丁亥萬用入學。丁亥者吉日也。萬也者干戚舞也。入學也者大學也。謂今時大舍采也。〔按〕匡謬正俗云。古之經史采桑相

通。

丁亥。謂上句之丁也。萬舞。兼羽籥干戚。省文也。月令。上丁。命樂正習舞。釋菜。入學習樂也。舍采與釋菜。古通用。

祭鮪。祭不必記。記鮪何也。鮪之至有時。美物也。鮪者。魚之先至者也。而其至有時。謹記其時。

周禮。獻人。春獻王鮪。月令。季春薦鮪于寢廟。此于仲春言祭鮪者。先祭鮪而後獻廟也。鮪一名鮠。似鱧而青黑。頭小而尖。似鐵兜。口在頷下。甲可摩薑。大者曰王鮪。小者曰叔鮪。

榮菹采蘋。菹。菜也。蘋。由胡。由胡者。蘋母也。蘋。旁勃也。皆豆實也。故記之。

菹。萱屬。生水濱。俗名苦菜。旱芹也。蘋。白蒿也。似細艾。三月采。俗呼蓬蒿。由胡見爾雅。北海謂之旁勃。博雅。蘋母。旁勃也。皆白蒿別名。豆實者。言皆可充籩豆之實也。

昆蟲抵蜺。昆者。衆也。由魂魄也。魂魄也者。動也。小蟲動也。其先言動而後言蟲者。何也。萬物至是動。動而後著。抵猶推也。蜺。蜺卵也。爲祭醢也。取之則必推之。推之不必取。故言推而不言取。由魂魄一本作田螺。誤。

魂。魂猶法也。言猶法。法行不休也。由與猶通。蜺。蜺同。周禮。醢人。掌四豆之實。有蜺醢。推之爲言進也。來降燕乃睇。疑脫室字。燕。乙也。降者。下也。言來者何也。莫能見其始出也。故曰來降。言乃睇何也。睇者。眄也。眄者。視可爲室者也。百鳥皆曰巢突穴。又謂之室。何也。操泥而就家。入人內也。突一作窠。操一作捺。

燕言乙者。象鳥舉首也。从乙。不從乙。後人加鳥作𪚩。元鳥也。月令。是月也。元鳥至。南楚謂𪚩曰睇。操泥。

卽御泥也。

剝鰓〔按〕卽鰓字。

以爲鼓也。

鰓一作鮐皮。可爲鼓。剝者取其皮而裂之也。

有鳴倉庚。倉庚者商庚也。倉庚者長股也。

倉庚黃鸝也。亦作鵯黃。見月令註。商庚見爾雅。長股以其股之長也。

榮無傳。

前已言芸矣。此復言芸者。前言芸之初生。此言芸之華生也。

時有見稊始收。有見稊而後始收。是小正序也。小正之序時也。皆若是也。稊者所爲豆實。

稊楊之秀也。莢收爲豆實。

以上二月。較月令少始雨水。桃始華。日夜分。又雷乃發聲。始電。蟄蟲咸動。啓戶始出。先見正月。

三月。

季春之月也。月令曰在胃。昏七星中。旦牽牛中。胃宿在西。大梁之次也。

參則伏。伏者非亡之辭也。星無時而不見。或有不見之時。故曰伏云。

孟春云。昏參中。此云參則伏者。前星已過。故伏而不見也。

攝桑。攝而記之急桑也。一本攝上衍桑字。

攝伐也。月令命野虞伐桑柘是也。急桑言莫亟于桑。

萎楊。○萎一作委。

楊則華而後記之。

萎柔弱貌。楊將華時其條柔弱也。一云委落也。非傳意。

羴羊。羊有相還之時其類羴羴然。記變爾。或曰羴羴也。

羴之爲言圍也。謂其環聚也。還古通環。羴羴羊相逐貌。牡羊三歲曰羴。或說殆非也。

穀則鳴。穀大螻也。

天螻螻蛄也。一曰螻。

頒冰。頒冰也者。分冰以授大夫也。

此非分冰時而言頒者。先言分後言頒。以授大夫。所謂伐冰之家也。

采識。識草也。

識當作識。爾雅作識。卽苦參也。葉似槐。花黃色。結角如蘿蔔子。二三粘如小豆。味苦。除伏熱。說文闕識。

後人加草也。

妾子始蠶。先妾而後子何也。曰事有漸也。言事自卑者始。

妾子皆統于妻。妾子始蠶其妻可知。月令后妃齋戒。親東鄉躬桑。今不言妻而先言妾子。故言自卑者始。

執養宮事。執操也。養長也。

宮事卽蠶事也。今謂養蠶是也。執養宮事卽祭義夫人纁三盆手。遂布于三宮夫人世婦之吉者。使纁之事也。

祈麥實。麥者五穀之先見者。故急祈而記之也。一本麥者作麥實。

月令乃爲麥祈實。孟夏爲麥秋。故此云先見。詩所謂貽我來牟。帝命率育也。越有小旱。越于也。記是時恆有小旱。

越聿同語詞。田家五行有三月聽蛙聲。占水旱之諺。

田鼠化爲鴽。鴽鴽也。變而之善。故盡其辭也。鴽爲鼠。變而之不善。故不盡其辭也。

月令同鴽鴽鴽也。十二支辰。子水位。鼠屬。午伏乃鴽火之次。豈可移易。蓋三月大辰候。當出火。故田鼠至建辰月化爲鴽。八月辰伏。九月當納火。而鴽于建酉月爲鼠者。辰已伏也。子與午陰陽之極。神交爲變化如此。可類推也。鴽善類。鼠不善類也。八月曰鴽爲鼠。不言化。故曰不盡其辭。

拂桐芭。拂也者。拂也。桐芭之時也。或曰言桐芭始生。貌拂拂然也。

芭華也。月令桐始華。或訓芭爲茅。未詳。

鳴鳩。言始相命也。先鳴而後鳩。何也。鳩者鳴而後知其鳩也。

命。鳴也。相命。言相呼也。鳩能自呼其名。

以上三月較月令少虹始見萍始生戴勝降于桑

四月

孟夏之月也月令日在畢昏翼中旦婺女中畢宿在申實沈之次也

昂則見無傳

昂七星天之耳也白虎之中星也昂之爲言留也言物成就繫留也

初昏南門正南門者星也歲再見壹正蓋大正所取法也

月令昏翼中翼南方宿名也卽所謂南門也言天子當陽所取法也十月但云南門見不言正也

鳴札札者寧縣也鳴而後知之故先鳴而後札縣懸同

札爾雅作蛰似蟬而小有文寒蟬也大者爲馬蛰寧縣爾雅注引作虎縣

罔有見杏罔者山之燕者也

禮祭法夏祠用杏小正韭則園杏則山也

鳴蜮〔接〕卽蜮字蜮也者或也屈造之屬也

蜮當作蜮文从國卽蝦蟆別名非射工之蜮也月令蜺蜺鳴是也蜮一作蜮屈或作蜮蜮蜮木中

蟲也屬之云者言皆其類蜮爲射工故以或說存之

王賁秀按秀舊本作秀下並同

王荳卽王瓜草華也。王瓜色赤。感火之色而生也。月令。王瓜生。今月令云。王荳秀。荳應从刀貝。音故。不從力負。音倍。秀秀通用。

取茶。茶也者。以爲君薦蔣也。

茶。苦菜也。月令。苦菜秀。感火之味而成也。是月其味苦故也。一名游冬。葉似苦荳而細。斷之白汁。花黃似菊。周禮。地官掌茶。言將以爲君薦也。蔣當作將。或云蔣蓋負茲之類。未詳。

秀幽。〔按〕卽秀萼。

幽當作萼。謂之幽者。幽陰之義也。四月陽氣極于上。而微陰已胎于下。萼感之而早秀。幽風。四月秀萼是也。爾雅釋草。萼繞棘菟。註。今遠志也。

越有大旱。記時爾。

大旱對小旱言之。羣芳譜。言四月十六日立一丈竿。量月影。月當中時。影過竿。夏旱人饑。長九尺八尺七尺六尺。主雨水。五尺主夏旱。又談苑。江南民于四月一日至四日。卜一歲之豐凶。云一日雨。百草枯。言旱也。二日雨。傍山居。言避水也。三日雨。騎木驢。言踏車取水。亦言旱也。四日雨。餘有餘。言大熟也。小正凡言小旱大旱。所以重農事也。

執陟攻駒。執也者。始執駒也。執駒也者。離之去母也。陟。升也。執而升之君也。攻駒也者。教之服車數舍之也。

周禮所謂校人執駒攻特也。月令三月遊牝于牧。犧牲駒犢。舉書其數。此則四月矣。駒已成矣。故言執駒升之君。離之去母。使之服車也。數入聲。

以上四月較月令少以立夏蚯蚓出。聚畜百藥。靡草死。麥秋至。農乃登麥。

五月。

仲夏之月也。月令日在東井。昏亢中。旦危中。東井在未。鶉首之次也。

參則見。參也者。伐星也。故盡其辭也。

漢天文志。參爲白虎三星。直者爲衡石。下有三星。銳曰罰。謂罰在參間。上小下大。故曰銳。伐與參連體。參爲列宿。統名之若一宿然。參又名實沈。見左傳。

浮游有殷。殷衆也。浮游殷之時也。浮游者。渠略也。朝生而暮死。稱有何有見也。

浮游通作蜉蝣。楊子方言。蜉蝣秦晉之間。謂之渠略。爾雅蜉蝣渠略是也。似蜉蝣。身狹而長。有角。黃黑色。大如指。長三四寸。甲下有翅。能飛。聚生糞土中。朝生暮死。夏日陰雨時。地中出。燒炙噉之。美如蟬。猪好啖之。詩浮游之羽。衣裳楚楚是也。樊光之間。謂之糞中蜎蟲。

鵲則鳴。鵲者。百鵲也。鳴者。相命也。其不辜之時也。是善之。故盡其辭也。

月令鵲始鳴。鵲鵲也。鵲鵲也。一名鵲鵲。卽百鵲也。今謂之巧婦。又謂之穢雀是也。辜。負也。于是載績矣。鳴不負其時也。

時有養日。養，長也。一則在本，一則在末，故其記曰有養日云也。〔按〕一本有作時，日作西。

本末言初終也。一則謂或則也。月令鄭注云：辰角見九月，本也。天根見九月，末也。即本末之說也。

乃瓜，乃者，急瓜之辭也。瓜也者，始食瓜也。〔按〕黃本以瓜爲衣，末句作始創衣也。

詩豳風七月食瓜，此月言乃瓜者，蔬蓏之屬也。按孟夏天子始絺作衣，近是。

良蜩鳴。良，蜩也者。五采具。

蜩，蟬也。良當作蜋。爾雅蜩蜋蜩是也。豳風五月鳴蜩，五采具言其翅有文采也。

匭之興五日翕，望乃伏。其不言生而稱興，何也？不知其生之時，故曰興。以其興也，故言之興五日翕也。望也者，月之望也。而伏云者，不知其死也，故謂之伏。五日也者，十五日也。翕也者，合也。伏也者，入而不見也。

匭，爾雅作蜺，蟪蛄也。一名蜺，莊子所謂蟪蛄不知春秋是也。合，聚也。

啓灌藍蓼。啓者，別也。陶而疏之也。灌也者，聚生者也。記時也。

藍，染青草也。有三種：蓼藍染綠，大藍如介，染碧。槐藍如槐，染青，皆可作澱，成勝母。荀子：青出于藍而青于藍。此言藍蓼，即蓼藍也。青乃赤之母，故陶而疏之。月令：令民毋刈藍以染，恐傷時氣也。啓灌謂開別

其蓼雜也。

鳩爲鷹。無傳。

傳所謂變而之不仁也。

唐蝸鳴。唐蝸者。優也。

唐當作蟪。蟪蝸者似蟬而小也。俗呼爲胡蟬。江南謂之蟪蛄。江東呼爲茅截。傳言優言蝦之類也。與上
優同名異實。

初昏。大火中種黍菽糜。

〔按〕諸本脫此四字。

大火者。心也。心中種黍菽糜時也。

大火。鶉火辰次之名。心爲大火。故心屬火。黍註見前。菽大豆也。糜赤苗穀也。詩維糜維芑是也。心中正
中也。糜音門。

煮梅。爲豆實也。

梅似李實。酢者可以和羹。籩實之乾榛也。

蓄蘭。爲沐浴也。

草之一幹一花而香有餘者。蘭也。蓄以爲蘭湯。沐浴之用也。

菽藟。已在經中。又言之。是何也。時食矩關而記之。〔按〕矩關一作矩閔。或作豆。皆傳寫之訛。

菽藟以菽作糜也。糜粥也。煮米糲爲饘也。矩或解作法。非矩當爲巨大也。言夏時以菽爲糜。乃所食之
大關。故不復著種黍而祥記菽糜也。

頒馬。分夫婦之駒也。○夫婦一作大夫。

月令遊牝別羣班馬政是也。季春遊牝于牧。至此妊孕已遂。故不使同羣。所謂分夫婦之駒也。夫婦者牝牡也。頒與班同。布也。言布散其牝牡之馬也。

將閒諸則閒與閑通。或取離駒納之則法也。

月令擊騰駒是也。閒防其騰躍則止其蹏躅也。

以上五月較月令少螳螂生反舌無聲。農乃登黍。羞以含桃。日長至。陰陽爭。生死分。鹿角解。半夏生。

木堇榮。

六月。

季夏之月也。月令日在柳。昏火中。日至中。柳宿在午。鶉火之次也。

初昏斗柄正在上。五月大火中。六月斗柄正在上。用此見斗柄之不正當心也。蓋當依依尾也。一本上依字下有也

火大火心星也。尾尾星也。

養桃。桃也者。柰桃也。柰桃也者。山桃也。養以爲豆實也。

註見正月。

鷹始擊。始擊而言之何也。諱殺之辭也。故言擊云。一本無故言二字

月令鷹乃學習。此言始擊。言始學擊擊也。不言殺而言擊。故曰諱殺。按六月月令最悉。此月太略。疑有

脫文也。摯鷺通。

以上六月。較月令少溫風始至。蟋蟀居壁。腐草爲螢。土潤溽暑。大雨時行。七月。

孟秋之月也。月令。日在翼。昏建星中。旦畢中。翼宿在巳。鶉首之次也。秀。藿葦。未秀則不爲藿。葦秀然後爲藿。葦故先言秀。藿當作佳。

是月涼風至。白露降矣。萑。菹也。葦。葭也。幽風。八月萑葦。此在七月。言始生。故曰秀。狸子肇肆。肇。始也。肆。遂也。言其始遂也。或曰。肆。殺也。〔按〕或曰一本作其。或曰。狸一作狸。

狸似貓。狐類。莊子。卑身而伏。以候放者。狸音离。

湟潦生苹。湟。下處也。有湟而後有潦。有潦而後有苹。草也。

湟潦。積水也。苹。水草。蘋。蕭也。葉青白色。莖似箸。今蘋蒿也。湟音黃。潦。勞去聲。爽死。爽也者。猶疏也。

爽當作蕒。草也。疏與蔬通。言草似蔬也。

莽。秀莽。永樂大典作莽。莽也者。馬帚也。

莽草似蓍。俗謂蓍莽。旱草也。可爲掃帚。莽音餅。

漢案戶。漢也者。天漢也。案戶也者。直戶也。言正南北也。漢一作河。

天漢言天河也。箕斗之間漢津也。直戶言天漢當戶如橫案然。

寒蟬鳴。寒蟬也者。蜩蟬也。蟬一本作蜩。

蜩蟬小蟬。一名蜩蟬。自關而東謂之蜩蟬。或謂之蜩蟬。蜩大兮反。蟬當作蜩。

初昏。織女正東鄉。無傳。

織女三星。天女也。

時有霖雨。無傳。

久雨謂之淫。久淫謂之霖。凡雨自三日以往爲霖。

灌荼。灌。藜也。荼。藜葦之秀。爲蔣褚之也。藜未秀爲蒹。葦未秀爲蘆。

荼。藜葦也。一云野菅。一云茅秀。藜葦卽蒹葭也。藜初生爲蒹。長大爲蘆。成則爲藜。藜聚生也。蔣疑作蔣。

褚著也。猶今絮也。言將著絮也。

斗柄縣在下則旦。無傳。

旦。明也。斗柄縣在下則天明。日至於曲阿北。是謂旦明。

以上七月。較月令少涼風至。白露降。鷹乃祭鳥。用始行戮。以立秋。農乃登穀。

八月。

仲秋之月也。月令。日在角。昏牽牛中。旦觜觿中。角在辰。壽星之次也。觜音茲。觿音攜。

剝瓜。剝瓜也者。畜瓜之時也。

剝。削也。七月食瓜之後。又畜瓜爲明年種也。

元校。玄也者。黑也。校也者。若綠色然。婦人未嫁者衣也。姜兆錫儀禮內外編讀經文選下作元校剝句。棗栗零句。

校當作絞。蒼黃色。玉藻。絞衣以楊之。按校本字見禮記祭統。夫人薦豆執校。謂豆中央直者爲校。傳言

校爲衣。未詳。

剝。剝也者。取也。

剝。擊也。詩八月剝棗是也。

零。零也者。降也。零而後取之。故不言剝也。

栗可充籩實。零。零落也。

丹鳥。養白鳥。丹鳥也者。謂丹良也。白鳥也者。謂蚊蚋也。其謂之鳥者何也。重其養者也。有翼者爲鳥。養也者。進也。不進食也。蚊一本作閏。

丹良。蟲名。疑卽蠶也。蠶黃甲蟲。列子。蚊瞽生於腐蠶。

辰則伏。辰也者。謂心也。伏也者。入而不見也。

辰者。大火也。爲心星。伐爲參星也。

鹿人從。鹿人從者。從羣也。鹿之養也。離羣而善之。離而生。非所知時也。故記從不記離。君子之居幽也。

不言。或曰人從也者。大者於外。小者於內。率之也。

鹿善聚善散。鹿人從者。鹿若人之相從也。善之善走也。大者處外。小者處內。俱指此言。鹿于小時必相離。乃得生。此時長成矣。如人之相從矣。故記之。不記離者。如人之幽處亦無可記也。故云君子之居幽也不言。

鴛鴦鼠。無傳。

註見前。

參中則日。無傳。

言天明正參中時也。

以上八月。較月令少。盲風至。鴻鴈至。元鳥歸羣。鳥養羞。日夜分。雷始發。蟄蟲咸俯。九月。

季秋之月也。月令。日在房。昏虛中。日柳中。房在卯。大火之次也。

內火。內火也者。大火。按此下有也字大火也者。心也。

大火。韓火辰次之名也。內者。言向內也。詩九月流火是也。

遷鴻鴈。遷往也。

註見正月。

主夫出火。主夫也者。主以時縱火也。

案傳崧卿云。夫當作火。以備寒也。主火。主薪炭之人也。宜納而出何也。于是不出也。

陟元鳥蟄。陟。升也。元鳥也者。燕也。先言陟而後言蟄。何也。陟而後蟄也。或云經文蟄字當連下能罷貉貍爲句。

月令仲秋元鳥歸。此于季秋則歸而蟄矣。

能罷貉貍黝則穴。按能罷一作熊罷。黝一作黝黝。今從爾雅改。音斯。黝音袖。穴也者。言蟄也。

月令所謂蟄蟲咸俯在內。皆瑾其戶也。能古熊字。罷熊貍貍似熊。如大驢。能食鐵。色蒼白。貉似狸。銳頭尖鼻。蒼色。貍鼠狼也。江東曰黃鼠狼。黝似貍。赤黃色。大尾。啖鼠也。一名地猴。

榮鞠樹麥。鞠。草也。鞠榮而樹麥。時之急也。

鞠與菊通。鞠榮者。菊華榮也。月令鞠有黃華。樹麥者。種麥也。月令仲秋乃勸種麥。

王始裘。王始裘者。何也。衣裘之時也。

周禮季秋獻功裘是也。月令天子始裘在十月。

辰繫于日。無傳。

辰。日月所交會之地。止言繫于日者。日在房所。謂房在卯。大火之次也。

雀入于海爲蛤。蓋有矣。非常入也。

飛物化爲潛物也。雀與爵通。月令爵入大水爲蛤是也。不言水而言海。以水之大者言也。黃雀秋化爲

蛤春復爲黃雀五百年爲蜃蛤見述異記

以上九月較月令少豺乃祭獸戮禽霜始降上丁命樂正入學習樂草木黃落乃伐薪爲炭十月

孟冬之月也月令日在尾昏危中旦七星中尾在寅析木之次也七星見季春

豺祭獸善其祭而食之也

〔按〕而下有後字

豺狼屬長尾白頰色黃身瘦俗呼瘦豺月令季秋之月豺乃祭獸此言孟冬月者秋冬之交也初昏南門見南門者星名也及此再見矣

詳見四月此月南門朝見于東南隅言昏見疑文有誤

黑鳥浴黑鳥者何也鳥也浴也者飛乍高乍下也烏慈鳥也能反哺謂之孝鳥又一種脰下白者爲雅又一種大喙白脰者爲鬼雀不詳鳥也烏多羣飛一起一伏如浴于水然故謂之浴一云沐浴于大化亦通

時有養夜養者長也若日之長也

養夜言夜之長與日之長等也見五月

元雉入于淮爲蜃蜃者蒲盧也

亦飛物化爲潛物也言元雉應元冥也大蛤曰蜃月令雉入于水爲蜃按古語謂隨變而成者曰蒲盧

不專指蜂也。一名蒲盧。水蟲名。

織女正北鄉則旦。無傳

孟秋言昏東鄉。此孟冬則旦。時正北鄉矣。

以上十月。較月令少水始冰。地始凍。虹藏不見。以立冬天氣上騰。地氣下降。天地不通。閉塞而成冬。天子始裘。

十有一月。

仲冬之月也。月令日在斗。昏東辟中。早軫中。斗在丑星紀之次也。

王狩。王狩者。言王之時田也。獵爲狩。

詳見周禮大司馬。月令季秋。天子乃厲飾執工。挾矢以獵。乃秋獵也。此于仲冬。故曰冬獵。大閱時也。

陳筋革。陳筋革者。省兵甲也。

筋革所以包兵甲。

嗇人不從。不從者弗行。

嗇當作穡。農夫也。言大閱之時。農夫不從狩。所以休息也。

於時月也。萬物不通。入字應爲經文。各本誤作小註。

月令。天地不通。閉塞而成冬是也。是月曰暢月。言諸蟄皆充暢于內。若大房然。發天地之房。則諸蟄必

死。

隕麋角。隕，墜也。日冬至，陽氣至，始動諸向生，皆蒙蒙符矣。故麋角隕，記時焉爾。

月令麋角解，隕亦解也。麋，鹿屬。冬至解其角，符會合也。言衆生皆與陽氣會合也。

以上十一月。較月令少冰始壯，地始坼，鴈旦不鳴，虎始交，芸始生，荔挺出，水泉動，日短至，十有二月。

季冬之月也。月令日在婺女，昏婁中，旦氐中。

鳴弋。弋也者，禽也。先言鳴而後言弋者，何也？鳴而後知其弋也。

弋，爲也。古通用。或作弋弓也。謂角弓鳴，恐鑿。

元駒賁。元駒也者，蜩也。賁者，何也？走于地中也。

元駒，蟻別名也。蜩，蟻通。賁，僨通。義同奔。

納卵蒜。卵，蒜也者。本如卵也。納者，何也？納之君也。

蒜，葷菜也。大蒜爲葫，小蒜爲卵。或作蒜，訓蘇。同謂草木疏貌。與傳義不合。且于卵字格礙。

虞人入梁。虞人，官也。梁者，主設罟罟者也。

月令命漁師始漁是也。罟，古罔字。罟罟，結繩爲之，所以取魚。

隕麋角。蓋陽氣且略也，故記之也。

已見仲冬。此疑衍文。傳應別有註也。或云向始勳。今明見。故兩記之。亦通。
以上十二月。較月令少鵲始巢。雉雊鷄乳。征鳥厲疾。冰方盛。木澤腹堅。命取冰。命有司大難。日窮于
次。月窮于紀。星回于天。數將幾終。歲且更始。